

## Jačanje sistema socijalne zaštite i inkluzije djece u BiH Јачање система социјалне заштите и инклузије дјецe у БиХ



### Pripreme radionice za predstavnike novih opština-općina u programu za Jačanje sistema društvene zaštite i inkluzije za djecu u BiH

**Sarajevo, 20.02.2012.** - Predstavnici novih 10 ciljnih općina/opština i Brčko distrikta okupiće se u dvije entitetske pripreme radionice gdje će se bolje upoznati sa konceptom socijalne (društvene) zaštite i inkluzije, ciljevima, strukturom, metodologijom, partnerima i očekivanim rezultatima programa za Jačanje sistema socijalne zaštite i inkluzije za djecu u BiH (SPIS).

Na pripremnim radionicama koje će se održati u Tesliću 23. i 24. februara za Republiku Srpsku i Brčko Distrikt i u Sarajevu 27. i 28. februara za Federaciju BiH, biće predstavljeni primjeri dobre prakse iz ciljnih općina iz prethodne faze (Bileća, Laktaši, Novi Grad Sarajevo i Novi Travnik).

Radne grupe će definirati preporuke za ključna pitanja i dogovoriti se o narednim aktivnostima koje će se poduzeti u provedbi programa na svim nivoima.

U fazi III SPIS programa (2011-2012) ciljne općine su: Čelinac, Derventa, Gacko, Gornji Vakuf/Uskoplje, Kupres, Mrkonjić Grad, Posušje, Prnjavor, Tešanj, Velika Kladuša i Brčko distrikt. Lokacije obuhvaćene SPIS programom u okviru prve dvije faze (2008-2011) bile su: Bileća, Laktaši, Livno, Kotor Varoš, Novi Grad, Novi Grad Sarajevo, Novi Travnik, Sanski Most, Stolac i Višegrad.

Pod sloganom „Za svako dijete“ UNICEF je okupio partnere iz vlastite, lokalne zajednice i civilnog društva kako bi unaprijedili sistem socijalne zaštite i inkluzije djece. Uz podršku Evropske Unije, ovaj program doprinosi jačanju sustava i izradi politika i programa za zaštitu socijalno isključene djece i njihovih porodica. „Vjerujem da saradnja među različitim opštinama i razmjena ideja i iskustava takođe doprinosi jačanju sistema društvene zaštite i inkluzije za djecu kako bi se osiguralo da postignemo ono što želimo na kraju – da je svako dijete obuhvaćeno uslugama društvene zaštite bez obzira na porijeklo, etničku pripadnost, geografsko porijeklo ili sposobnosti.“ – izjavila je predstavница UNICEF-a u BiH, Florence Bauer.

Program Jačanje sistema socijalne zaštite i inkluzije djece (SPIS program) je višegodišnji, multidisciplinarni program podrške pretpristupnom procesu Bosne i Hercegovine (BiH) u oblastima sveukupne društvene zaštite, socijalne inkluzije i prava djeteta. Ciljne grupe programa su donosioci politika i stručni radnici koji provode reformu sistema socijalne zaštite, kao i ranjive kategorije djece i porodica. Program financira Evropska Unija, a u njegovoj implementaciji učestvuju sva nadležna ministarstva, te mnogobrojni partneri iz nevladinog sektora i civilnog društva.